

& Sternutationes Raucedo, Tussis sicca, Vitales Dispnoea Cordis Palpitatio. *Naturales* Anorexia, Sitis, Nausea; Vomitus, Alvus plerumq; suppressa: quæ ferè omnia ex humorû ebullientium Vaporibus facili negotio queunt derivari.

l. 2. f. 2.

ep. 1. 2.

33. Inter *Excreta* Urina principem aliàs locum habet, hic quia plerunq; Sanorum non absimilis, inde Variolas ad futuras innumerabilibus ægris se non absq; eventu prædixisse testatur *Horstius*. Ita observantur vomitus, narium hæmorrhagia, lachrymæ spontanea.

34. *Qualitates* mutatae sunt Rubor & Tumor faciei, præsertim Oculorum, Cutisque asperitas ex tuberculis sese sensim prorumpentibus.

35. *Cause*, quæ in effectus cognitionem nos deducunt, sunt vel *interna* ut Dispositio, tum *occulta*; Si enim quis fermentationem hanc nõdum sustinuerit, qualiscunq; oritur Suspicio: tum *manifesta*: Ætas puerilis, quam Luis illius capaciorem esse supra diximus. Vel *externa*, quarum præcipuæ Aer & Contagium; Si enim malum sit epidemium, Ægerq; præterea cum aliis conversatus sit, metus est hausti contagii. Unde in prædicendis his Morbis, si cætera consentiant, ferè nunquam hallucinabimur.

36. Hæc omnia tam Variolis quàm Morbillis ferè communia sunt. *Distinctiva* autem signa traduntur, Febris in Morbillis vehementior & acrior, in variolis mitior: in illis Lachrymæ copiosiores, fervor major, dorsi dolor mitior: in his dolor major, major totius corporis gravitas. Sed frustra sunt, qui ex his aliquid prædicere moliuntur, nisi consentiat *Conjectura Archigenis* ex Contagio & Morbis communiter vagantibus, quam non injuria magnificet *Galenus* 2. de Cris. c. 3.

#### PROGNOSTICA.

37. Febrem, quia plerumque cum Vehementia Symptomatum & intra quatrimum ferè absolvitur, Morbis Acutis accensemus, quod si tum non remittat, Crisis infelix atq; adeo periculum portenditur, ob Virium Langvorem & Materiæ Inobedientiam.